



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dictamina Seu Scita Variæ Doctrinæ, Politicæ, Moralis,  
Stoicæ, Christianæ, & Spiritualis**

**Nieremberg, Juan Eusebio**

**Paderbornæ, 1711**

Decas VI.

[urn:nbn:de:hbz:466:1-50306](#)

48. Divitiæ de se malæ non sunt, sed contemptibiles, & periculosæ: solùs usus honestare potest. Res optimæ absque usu suo pessimæ fiunt. Quantis usibus aptus est ignis! at pyro junctus pulveri, quæ non mala conciliat? Affectu nostro operitiamus, usu restituimus. Si vis, instrumenta virtutis sunt, aut manubria vitiorum.

49. Pessima quæque patrârit aurum nisi in manus bonas reciderit: tunc solum bonum est, cùm alienatur. Ut prospicit domino, suo, dimitendum est: servatum pessimè nocet. Quamquam dubitem, ultra plùs laudis mereatur; qui accipit, an qui donat?

50. Opulentiam Bion appellavit vomitum fortunæ: quasi ruftaret, quod nimis est, vel rejiceret, quod vile. Quemadmodum enim, quod cum violentia regurgitamus, impurum est, ita quod fortuna donat, infidum.

### DECAS VI.

51. Alienum reputa, quidquid bonorum mundus habet, aut pollicetur: unduntaxat virtuti propria est fortuna. Nè dixeris:

dixeris: perdidi hoc aut illud: nam nihil tuum est, mutuata omnia. Noli dicere: liberos perdidi, sed dic: reddidi. Habant illi, cujus essent magis, quam tui: apud te precariò morabantur. Ne quedicas: pecuniam perdidi: potius gaude, quam non debes. Mutuatum bonum erat, reddendo te liberas debito reddendi.

52. Nihil interest, pro quo creditore exigit pecuniam, dummodo debitor exolvat. Quid tuā refert nosse hominem, pro quo Deus recipit, quod tibi mutuārat? an pro amico? an pro hoste? an pro merente? aut pessimo? Satis est te debuisse, & Creditorem recipere, quod suum erat.

53. Ille ex vero Dominus est, qui juxta quod placet, aut displicet, agit, disponitve. Hoc tu non vales, nisi cùm virtuosè agendum est. De virtutibus liberè disponueris, non de fortunæ bonis: quibus si volueris dominari, cogēris famulari, factus mancipium alieni arbitrii.

54. Efficere ut nihil tibi eveniat mali, rara foret sapientia, rara felicitas. Porrò istud tuæ potestatis est, ut casus adversos ritè excipias, & de malis bona distilles.

Præter

Præter malum culpæ nullum aliud est  
quod sub cortice nō operiat aliquid bonum.

55. An cuperes dives esse, si unā fieri  
mancipium Tyranni? Quis rerum omni-  
abundantiam, aut plura etiam Regnū  
præposuerit libertati? An verò quam cen-  
ses, ex duabus pejorem? animi an corpo-  
ris servitutem? Eam haud dubiè quæ me-  
liorem tui partem subjicit. Nunc igitu-  
scias velim: animi veram libertatem tam  
esse in contemptu divitiarum.

56. Nunquam non memineris te homi-  
nem esse, & quæ tibi evenerint, inter ca-  
sus humanos numera. Necesse est, eve-  
niant quandoque adversa; verùm expe-  
dit indè non moveri, neque magis, si vi-  
deas in te incurrere, quàm in alios. Muti-  
laris manu; quid interest? res est, quæ  
pluribus contigit. Ad summum dici po-  
terit casus.

57. Non quidquid boni speciem habet  
illoco concupiscas; adeò nempe absor-  
tus in finem, ut quibus mediis eò pertin-  
gas, non advertas. Variis locis orbis de-  
licias posuit, at quæ te via illò duxerit, vel  
ardua est, vel nulla. Sit licet bonum, quod  
appetis,

ud eff  
d bon  
à fieri  
omni  
Regn  
m cen  
corpo  
æ me  
igitu  
tem si  
hom  
ter ca  
, eve  
expe  
, si vi  
Muti  
, qua  
ci po  
rabet  
sorp  
ertin  
is de  
t, vel  
quod  
petis,

appetis, si frui non potes, nisi blandiaris alteri, vel inquietes te, præstat negligere.

58. Calamitatem cavè uti malam desperxeris, sed venerare tanquam principium boni. Non te terreat species externa: nam & homo cùm auspicatur esse, formam embrionis refert; at quantæ rei hoc modicum initium est?

59. Noli sapere cum vulgo, neque verum credas, quod æstimatio popularis dictârit. Æstimanda sunt judicio, non numeranda. Non exinde, quia vides jucundari aliquem, illico dixeris: magnum illi bonum obvenit. Neque ideo, quia tristatur aliquis, judices malum ingens incurrisse. Usitatisimum est nos apparentiis falli, & quosdam gaudere in malis, alios dolere in bonis.

60. Ex fine judicandum est de rebus. Si ad bonum tendant, tametsi principio videantur malæ, bonæ sunt. Si ad malum deflectant, non obstante quod bene cœperint, malas esse necesse est. Quidquid brevi fine clauditur, modicum est: duratione restaxandæ sunt, non quantitate.

DECAS